



**Immiaqqanik, viinninik imigassanillu
kimittuunik nammineq atugassanik
Kalaallit Nunaannut eqqussineq pillugu
ilitsersuut
- Nassiussatut**



Imarisai

1. Aallaqqaasiut	3
2. Inuit immiaaqqanik, viinninik imigassanillu kimittuunik Kalaallit Nunaannut eqqussisinnaassappata piumasaqaatit suut atuuppat?	3
3. Immiaaqqanik, viinninik imigassanillu kimittuunik Kalaallit Nunaannut eqqussisinnaanermut ataasiartumik akuersissut – imak iliussaait	4
4. Akitsuutit aamma akiliisitsissut – immiaaqqanik, viinninik imigassanillu kimittuunik nammineq atugassanik eqqussineq qanoq akeqarpa?	5
5. Immiaaqqanik eqqussinermut assersuut	6
6. Ataasiartumik akuersissutip pisiariniakkanik unitsitsiinnarnermi pisiariniakkanilluunniit allannguinermi atorunnaarsinneqarnera allanngortinneqarneralu	7
6.1. Pisiariniakkanik unitsitsiinnarneq	7
6.2. Pisiariniakkanik allanngulineq	8
7. Ilitsersuummut allamut innersuussineq	8
8. Ikiorneqarnissat pisariaqartippiuk?	8



1. Aallaqqaasiut

Nioqutissanik eqqussuineq annissuinerlu pillugit Inatsisartut inatsisaata allangortinneqarneranik Inatsisartut inatsisaat nr. 64, 20. november 2023-meersoq ulloq 1. januar 2024-mi atortuulissaaq. Inatsimmik allanguinerup taassuma kingunerisaanik inuit immiaaqqanik, viinninik imigassanillu kimittuunik nammineq atugassaminnik eqqussisinnaalissapput. Inuilli immiaaqqanik, viinninik imigassanillu kimittuunik eqqussiniarpta nalunaarutiginnittarnermi periaasit arlaqartut eqquutsinneqartussaapput. Ilitsersuut una inuit immiaaqqanik, viinninik imigassanillu kimittuunik nammineq atugassaminnik eqqussiniartut qanoq iliornissaannik paasissutissiivoq.

Ilitsersuut taamaallaat inunnut immiaaqqanik, viinninik imigassanillu kimittuunik Kalaallit Nunaannut *nassiussatut* eqqussiniartunut atugassiaavoq.

Inuussutissarsiummik ingerlataqartut qulaani pineqartunik eqqussuiniaruit paasissutissanik erseqqinnerusumik aka.gl-imi ujartuisinnaavutit. Inuussutissarsiummik ingerlataqartut imigassanik ethanolimik akulinnik eqqussuiniaruit Nioqutissanik eqqussuineq annissuinerlu pillugit Inatsisartut inatsisaanni nr. 18, 30. november 1992-imeersumi § 7, imm. 2 naapertorlugu akuersissummik peqartussaavutit.

Atuarluarisiuk!

2. Inuit immiaaqqanik, viinninik imigassanillu kimittuunik Kalaallit

Nunaannut eqqussisinnaassappata piumasaqaatit suut atuuppat?

Immiaaqqanik, viinninik imigassanillu kimittuunik Kalaallit Nunaannut *nassiussatut* eqqussiniaruit piumasaqaatit tunngaviusut pingasuupput:

- 1) Eqqussiniaruit 18-inik *ukioqalereersimassaait*.
- 2) Eqqussiniaruit Kalaallit Nunaanni *najugaqartuussaait* imaluunniit piffissami qanittunnguami Kalaallit Nunaanni *najugaqalersussaassaait*.
- 3) Eqqussiniaruit *ataasiartumik akuersissummik qinnuteqarlutillu tunineqarsimassaait*. Akileraartarnermut Aqutsisoqarfik akuersissutinik tunniussisartuuvoq.
- 4) Poortuutip utertittakkap akitsuusigassanik nalunaaruteqarnermi immersugassami allanneqarnissaani *eqqussuisup pisussaaffigaa* poortuutip stregkodeata **Poortuutunik aqutsisumut** internetikkut isertarfimmi nalunaarsorneqarsimanera qulakkiissallugu.

Tamatumani uku atuupput:

- Stregkode nalunaarsorneqareersimappat eqqussuisoq qanoq iliuseqassanngilaq.



- Nioqqutissiaq *nalunaarsorneqarsimangippat* taanna Poortuutiniq aqutsisumut internetikkut isertarfirmi (www.pant.gl) nalunaarsorneqassaaq.
- Uani takuuk: Ilitsersuut aka.gl-imiippoq. (https://aka.gl/emner/borger/afgifter/vejledninger?sc_lang=kl-gl)

Piumasaqaatit taakku sisamat eqquutsikkukkit aatsaat immiaaqqanik, viinninik imigassanillu kimittuunik Kalaallit Nunaannut *nassiussatut* eqquussinnaavutit.

3. Immiaaqqanik, viinninik imigassanillu kimittuunik Kalaallit

Nunaannut eqquussinnaanermut ataasiartumik akuersissut – imak iliussaaitit

Qinnuteqarnek qarasaasiakkut MitID atorlugu iserluni Sullissivik.gl aqutugalugu pissaaq.

Qinnuteqaammi nioqqutissap suunera, akitsuutaata normua, kiisalu nioqqutissat eqqunniakkavit tamarmik immikkut qassiuneri nalunaassavatit. Taamatuttaaq nioqqutissat eqqunniakkavit fakturartaat ilanngullugu *nassiunneqassaaq*. Faktura akitsuusigassanik naatsorsuinissami atorpeqartussaavoq. Kiisalu aamma nassiussat normuat aamma ulloq nassiutassatut tunniunneqarfissaat kingulleq allaqqassapput.

Akuersissut tunniunneqartinnagu piumasaqaatit makku atuupput:

- 1) Qinnuteqaat *ullup nioqqutissat Kalaallit Nunaannut nassiussatut tunniunneqarfissaat kingulleq ullunik suliffiusunik 5-inik* sioqqullugu elektroniskiusumik nassiunneqassaaq.
 - Nioqqutissat umiarsuakkut Aarhusimiit tallimangornermi aallartussakkut nassiunniarukkit, taava tunniussivissaq kingulleq tassaavoq marlungorneq. Tamannali suli atuunnersoq qulakkeertariaqarpat: Nassiunniakkanik tunniussinissamut piffissaliussaq nassiunniakkavit allagartaanni allaqqassaaq.
 - Taamaalillutit qinnuteqaat Akileraartarnermut Aqutsisoqarfimmut nassiutissavat kingusinnerpaamik *sapaatip akunnera umiarsuup aallarfissaa sioqqullugu marlungornikkut*, tassami qinnuteqaat nassiussat tunniunneqarfissaat ullunik suliffiusunik 5-inik sioqqullugu *nassiuttussaagakku*.
- 2) Nioqqutissat akitsuutaat kiisalu akiliisitsissut *akilerneqarsimassapput*.
 - Akitsuutit, tapiliussatut akitsuut akiliisitsissullu *kingusinnerpaamik* akilerneqassapput qinnuteqaatit tunniunneqarnerani. Piviusorli unaavoq qinnuteqarfissamik immersuinerpit kingorna akiliinissamut immersugassamut toqqaannartumik ingerlateqqinneqassagavit. Akiliineq akuerineqariarpat qinnuteqaat nassiunneqassaaq.



- 3) Ataasiartumik akuersissummik tunineqassaguit nioqqutissat timmisartukkut, umiarsuakku imaluunniit allakkerisarfikkut nassiussatut eqqunneqassapput.

Ataasiartumik akuersissut nioqqutissat ilinnut tunniunneqarniariarpata atorunnaassaaq.

Immiaaqqanik, viinninik imigassanillu kimittuunik Kalaallit Nunaannut nassiussatut kingusinnerusukku eqqusseqqiniaruut aammaarlutit qinnuteqaammik nassiussissaatit, ataasiartumillu akuersissummik nutaamik Akileraartarnermut Aqutsisoqarfimmit nassinneqassallutit.

Oqaatigineqassaaq Akileraartarnermut Aqutsisoqarfik akuersissuteqartoqarnissaanik itigartitsisinnaammat, inummut aalajangersimasumut akuersissutaasimasut amerlassusii tunngavigalugit ilimagineqarpat nammineq atugassat sinnerlugit eqqussisoqarsimasoq.

4. Akitsuutit aamma akiliisitsissut – immiaaqqanik, viinninik imigassanillu kimittuunik nammineq atugassanik eqqussineq qanoq akeqarpa?

Immiaaqqanik, viinninik imigassanillu kimittuunik nammineq atugassanik eqqussinermi akilersinneqartussaapput eqqussinermi akitsuutit, tapiliussatut akitsuut kiisalu akiliisitsissut.

Eqqussinermisaaq akilerneqartussaasinnaapput poortuutit akitsuutaat kiisalu utertittakkat qularnaveeqqutaat allaffissornermullu akiliut:

- 1) Eqqussinermi akitsuutit

- Nioqqutissat eqqunniakkavit suuneri tassunga apeqqutaapput. Tassami imigassat aalakoornartortallit akitsuutaat, imigassat aalakoornartortaallit procentiat qaffasinnerujartortillugu qaffasinnerulersarmata. Eqqussinermisaaq akilerneqartussaasinnaapput poortuutit akitsuutaat kiisalu utertittakkat qularnaveeqqutaat allaffissornermullu akiliut. Eqqussinermi akitsuutit atuuttut uani takusinnaavatit:

https://aka.gl/emner/borger/afgifter/indfoerselsafgift_for_varer?sc_lang=da

- 2) Tapiliussatut akitsuut

- Tapiliussatut akitsuut eqqussinermi akitsuutit naatsorsorneqartut 50%-eraat – poortuutit akitsuutaat imaluunniit utertittakkat qularnaveeqqutaat allaffissornermullu akiliut tapiliussatut akitsuummik tapeqartinneqassanngillat . Immikkoortumi ataaniittumi assersuut takuuk.

- 3) Sullissinermut akiliut

- Immiaaqqanik, viinninik imigassanillu kimittuunik nammineq atugassanik eqqussiniarluni ataasiartumik akuersissummik qinnuteqaatinut tamanut sullissinermi akiliut 250 kr.-iusoq Akileraartarnermut Aqutsisoqarfiup akiligassiissutigissavaa. Akuersissummut ataatsimut nioqqutissat eqqunneqartut amerlassusii tassani apeqqutaanngillat . Tassa imaappoq: Akiliut



aalajangersimasuuvoq, immiaaqqanik puiaasaqqanik 100-nik, imigassanik kimittuunik puiaasanik 10-nik viinninilluunniit puiaasanik 50-inik eqqussinerit apeqqutaatinnagu.

Imaappoq qinnuteqaammik nassiussinermi kisitsisit taakku pingasut katinnerat kiisalu immaqa poortuutit akitsuutaat, utertittakkat qularnaveeqqutaat allaffissornermullu akiliut Akileraartarnermut Aqutsisoqarfimmut akilerneqassapput. Akiliisoqariapat eqqussinissamut ataasiartumik akuersissut tunniunneqassaaq.

5. Immiaaqqanik eqqussinermut assersuut

Immiaaqqanik nammineq atugassanik Kalaallit Nunaannut eqqussinermut assersuut ataani takuneqarsinnaavoq. Nunamit allamit nioqquteqartup kinaanersinissaa aamma assartuinerup qanoq akilerneqarnissaa assersuummi allaaserineqanngillat. Sammineqartoq taamaallaat tassaavoq imigassanik aalakoornartunik eqqussinissamut ataasiartumik akuersissummik tunniussisarneq, eqqussineq inatsisit unioqqutinnagit pisinnaaqullugu.

- Inuk Tjekkiami internetikkut nittartagaq aqutugalugu immiaaqqanik karsinik 10-nik, tamarmik 10-nik imalinnik – tassa puiaasaqqaanik katillugit 100-nik pisiniarpoq. Immiaaqqat Nuummuk nassiunneqassapput.
- Immiaaqqat aalakoornartuat 6,00 procentiuvoq. Puiaasaqqat tamarmik immiaaqqamik 0,5 literimik imaqarput. Tassa imaappoq immiaaqqat 50 literiupput.
- Tamakkuli pitinnagit inuk ataasiartumik akuersissummik Akileraartarnermut Aqutsisoqarfimmut tunniunneqartussamik peqqaassaaq. Tamanna pissaaq inuup paasissutissanik nalunaarsoqquneqartunik Sullissivik.gl-imi nalunaarsuineratigut. Inuup qinnuteqarluni immersuiffissaq immersoriarlugu nassiutissavaa – tamanna pissaaq immiaaqqat nassiussassatut tunniunneqarfissaat kingulleq ullunik suliffiusunik 5-inik sioqqullugu. Tunniunneqarfissaat kingulleq taanna nassiussat allagartaanni allaqassaaq.
- Qinnuteqarluni immersuineq nangiinnarlugu qinnuteqartoq akiliinissamut immersuiffissamut ingerlatinneqassaaq, tasanilu inuup Akileraartarnermut Aqutsisoqarfimmut ataatsikkut akilissavai eqqussinermi akitsuutit, tapiliussatut akitsuut aamma sullissinermut akiliut kiisalu poortuutit akitsuutaat, utertittakkat qularnaveeqqutaat allaffissornermullu akiliut.
- Tamakku tamarmiullutik tassaapput:
 - Eqqussinermi akitsuutit: Immiaaqqat aalakoornartuisa procentiat tunngavigalugu immiaaqqat akitsuutaasa normoraat 014. Taamaammatt inuup immiaaqqamut literimut eqqussinermi akitsuutit 33,00 kr.-it akilissavai. Tassa katillugit: $33,00 \cdot 50 = 1.650,00$ kr.-it.
 - Tapiliussatut akitsuut: Eqqussinermi akitsuutit 50%-iat: $1.650,00 \cdot 0,5 = 825,00$ kr.-it.



- Taakku qaavisigut aamma poortuutininut akitsuut puiaasaqqamut ataatsimut 2,90 kr.-iusoq akilersinneqassaaq, tassa $2,90 \cdot 100 = 290,00$ kr.-it.
 - Taakkuttaaq saniatigut immiaaqqat puiaasaarartaat utertittakkat qularnaveeqqummik kiisalu allaffissornermut akiliummik, puiaasaqqamut ataatsimut katillugit 2,60 kr.-inik akiligassartaqarput. Tassa: $2,60 \cdot 100 = 260$ kr.-it.
 - Sullissinermut akiliut: 250,00 kr.-iuvoq.
 - *Taamaalilluni inuup katillugit 3.275,00 kr.-it Akileraartarnermut Aqutsisoqarfimmut akilissavai.*
-
- Akiliineq akuerineqariarpat allagartaq pdf-iusoq qinnuteqaammik, nioqqutissat fakturartaannik ataasiartumillu akuersissummik imaqartoq piariissaaq. Akuersissut taanna inuup eBoks-ianut nassiunneqassaaq.
 - Immiaaqqat Nuummut assartorneqassapput inuttaanullu tunniunneqassallutik. Tunniunneqalerpata inuup ataasiartumik akuersissutini kiisalu qinnuteqaatini akuersissummut tunngaviusoq nassassavai.
 - Ataasiartumik akuersissut nioqqutissat tunniunneqarniartut atorunnaassaaq. Taamaalilluni inuup immiaaqqanik, viinninik imaluunniit imigassanik kimittuunik tulliani eqqussiniaruni ataasiartumik akuersissummik qinnuteqarnissani eqqaamassavaa.

6. Ataasiartumik akuersissutip pisiariniakkanik unitsitsiinnarnermi pisiariniakkanilluunniit allannguinermi atorunnaarsinneqarnera allangortinneqarneralu

Nioqqutissanik pisiniarneq eqqussiniartumit nunanulluunniit allanut nioqquteqartumit unitsiinnarneqarpat allangortinneqarpalluunniit ataasiartumik akuersissut atortussaajunnaassaaq, taannaavormi paasisutissat qinnuteqaammi nalunaarsorneqartut tunngavigalugit akuersissutaasoq. Taamaattoqartillugu ataani allassimasutut iliussaait.

6.1. Pisiariniakkanik unitsitsiinnarneq

Takorlooruk nunanut allanut nioqquteqartup nalunaarfigigaatit, nioqqutissat pisiariniaraluakkatit nassiussinnaanngikkini. Allaammi ataasiartumik akuersissut Akileraartarnermut Aqutsisoqarfimmut qinnutigini kuullugulu akilernikuuat.



Taamatut pisoqartillugu ataasiartumik akuersissut taanna Sullissivik aqqutigalugu atorunnaarsissinnaavat aningaasallu ilunntut utertillugit. Taamaallaat eqqaamassavat: **Atorunnaarsitsineq nioqqutissat nassiussassatut tunniunneqarfissaat kingulleq nallertinnagu pissammat.**

6.2. Pisiariniakkanik allanngineq

Takorlooruk nioqqutissat pisiariniakkatit allannguiffigineqartut – assersuutigalugu puiaasat amerlassusii imaluunniit nioqqutissap suussusia. Taamatut pisoqartillugu ataasiartumik akuersissutit allannguiffiginiarpat. Tamanna pissaaq akuersissutaaqqaartup 7.1-imi taaneqartup atorunnaarsinneratigut. Taassuma kingorna nutaamik qinnuteqaateqassaait nioqqutissat paasissutissartaannik nutaanik nalunaarsuillutit.

Eqqumaffigissavat, qinnuteqaatip nutaap nassiunneqarfissaa suli tassaammat nioqqutissat nassiussassatut tunniunneqarfissaat kingulleq ullunik suliffiusunik 5-inik sioqqullugu. Assersuut: Nioqqutissat pisiariniakkavit allannguiffigineqarnerat nioqqutissat nassiussassatut tunniunneqarfissaraluaat kingulleq ullunik 3-nik sioqqullugu pippat, taava nassiussinissamik nutaamik inniminniissaatit, taavalu nassiussassatut tunniussivissaq kingulleq tassaassaaq ataasiartumik akuersissummik qinnuteqarnerup kingorna ullut suliffiusut 5-it qaangiutsinnagit.

7. Iitersuummut allamut innersuussineq

Poortuutit utertittakkat pillugit paasissutissat amerlanerusut imeruersaatini utertittakkanik puulinnik eqqussuineq pillugu iitersuummi akissutissarsisinnaavatit. Iitersuut aka.gl-imiippoq.

8. Ikiorneqarnissat pisariaqartippiuk?

Immiaaqqanik, viinninik imigassanillu kimittuunik nammineq atugassanik eqqussinissamut maleruagassat atuuttut periaaserlu pillugit allanik apeqqutissaqaruit tamakku arlalitsigut akissutissarsisinnaavatit:

- **Aka.gl**
 - Apeqqutit akileraartarnermut tunngasut assigiinngitsut Akileraartarnermut Aqutsisoqarfiup internetikkut nittartagaani akissutissarsisinnaavatit.
 - Iserfissaq Immersugassat toorlugu immersugassat pisariaqartissinnaasatit aamma nassaarsinnaavatit.
- **Sullissivik.gl**
 - Akileraartarnikkut piginnaatitaaffitit pisussaaffitillu il.il. pillugit paasissutissat assigiinngitsut uani iserfigisinnaavatit.
 - https://www.sullissivik.gl/Emner/B_SKAT?sc_lang=da-DK



- **Akileraartarnermut Aqutsisoqarfiup Innuttaasunik sullissivia – ornigulluni saaffigin-ninneq**
 - Akileraartarnermut Aqutsisoqarfiup Qaqortumi, Nuummi, Maniitsumi, Sisimiuni Ilulissanilu innuttaasunik sullissiviisa akileraarutit pillugit apeqqutinnik ikiorsinnaavaatsit.
 - *Ammasarfii:*
 - Ataasinngorneq, marlunngorneq tallimanngornerlu: 10:00 - 15:00
 - Sisamanngorneq: 10:00 - 17:00
 - Pingasunngorneq: Matoqqasarput

- **Innuttaasunik sullissivik – Oqarasuaat**
 - Innuttaasunik sullissivik aamma oqarasuaatikkut attavigisinnaavat
 - Oqarasuaat: 34 65 10
 - *Piffissaq oqarasuaatikkut saaffiginniffissaq:*
 - Ataasinngorneq, marlunngorneq, pingasunngorneq tallimanngornerlu: 09:00 - 15:00
 - Sisamanngorneq: 09:00 - 17:00

EQQAAMAJUK: Akileraartarnermut Aqutsisoqarfiup akileraarutitit pillugit allakkat amerlanerpaartaat digitaliusumik nassiussortarmagit. Taamaammat eBoksit akuttunngitsumik iserfigisaruk, taava Akileraartarnermut Aqutsisoqarfiup piffissaliussaa, akuersissutaa saaffiginnissutaaluunniit pingaarutilik arajutsissanngilat.

Eqqaamallugu: Nalornissuteqaruit saaffiginissatsinnut nangaassanngilatit. Takuss!